

تاساعت ن-تاغوفت 32

- 1 امباركي ا-يڳا وانا مي عيصامح ربي ف-دَنوب-نس،
عيسيتي فلاس غايلي ت-يسحشامن.
- 2 امباركي ا-يڳا وانا مي عور-يحاسب ربي لمعصيات-نس،
عولا سول قامان عيركان غ-وول-نس.
- 3 ليغ عور-تا-ياك-قراغ تمدا-گيگي-كولو-تدواست،
ها-يي ار-ندرغ اس كولو ت.
- 4 غ-بيض عولا ازال ايژاي-فلا-وفوس-نك ا-ربي.
غمكلي عيتسلاو-وسغار غ-صيف عيحران اد-سلاون عيخسان-ينو.
- 5 د-غاكودان ا-يك-نيغ مامنك اد-فوغ زغ-واوال-نك،
عور-سول-حضيغ مايلي-يي-يسركان.
- 6 غ-تاساعت ن-تاغوفت ا-غ-ا-يك-ن-اقران وينك،
عور-را-تن-تادجت ا-تن-يلكم-ونگاي لعقويت.
- 7 كيي ا-يگان انتال-ينو تحضوت-يي غ-تاساعت ن-تنوكموت،
تسوتلت-يي س-يموريگن ن-سلامت.
- 8 راد-اك-ملغ اغاراس لي-ك-يد-يقان،
عينغ-اك عولا مامنك ا-گيس-تفتوت.
- 9 اور-تگم عيمديلا زوند اگمار د-وسردون،
ار-سكارن س-يفادن ما-يرا سيديتسن،
س-ولگامو د-تووريت ا-س-ا-گيسن-يتحكام.
- 10 را-تيگات-تگوضي اي-ويلي رورين تيغوردين س-ربي.
ايمما ويلي سرس ومنين تايري-نس عيزگان اد-اسن-يلولين.
- 11 فرحات س-ربي تفرحم س-وگار،
كوني دا-يفتان غ-وغاراس ن-وفولكي.
تالم اوال-نون تيريرم اي-ربي،
كوني دا-يطافن عول عيصفان.